

Ɔwulúá Paulo Lówanlín Sísí Filipifo

Itsiáha

1 ¹Mí Paulo pú aní pío Timoteo ání anɔgyí Kristo Yesu asúmpú dé Ɔwulú ánfí wanlín sísí mli Bulu ahá ání mliɔ Filipi wúluto, mliá Yesu Kristo mlilabwé kule. Mliá mli ɔpasua ahande pú amú abvápu fée anudé mú wanlín sísí.

²Aní Sí Bulu mva aní Wíe Yesu Kristo bugyíi mli buale, abuha mli iwilwii.

Paulo Atókulí Pú Ipánda

³Ntedá mí Bulu ipán ní nekáín mliɔ brégyíbré. ⁴Brégyíbréá nde mpái bɔ há mli fée á, ansí tegyi mi. ⁵Tsúfé tsú ekeá mlútsɔ *asun wankláán ámu nu á, mlidé aní tsa anudé mú ɔkan da bɔtu nde. ⁶Nyin ání Bulu ámúú olefi agyómá wankláán ámu así mlito ámu kén ɔbɔyɔ músú alu yófun Kristo Yesu ɔbáke amv. ⁷Ulekanáa ání nósusúu mli fée iwí alí, tsúfé ntehíé dwé mli. Íntá nda obu, ntée ndekɔ asun wankláán ámu nwunsv, mlilíí mí ɔma a, aní fée Bulu dé buale gyí. ⁸Bulu yin ání ntosúsu mli iwí, ntehíé dwé mli fé alá Kristo Yesu tɔdwé mli.

⁹Nde Bulu kokóli mbée, ɔhá amlidwe aba dvn alí, amlitvn ansí, nú asón ámu é así wankláán, ¹⁰méni mlébi tóá ihíé ibv alé, amlitsia nkpa ání mú iwí letvn, ɔlala uma mú iwí, alu yófun ekeá Kristo ɔbélaba. ¹¹Yesu Kristo ɔháa mv yilébwe ibvula mlito fé alá oyí toswíé abí, ipu numnyam múa kanfú ha Bulu.

Paulo Ukantodi Léha Bulu Asún Lekléi

12Mí apíó, ilehián ání mlébi ání ikplán anfi ɔlatú mí ání lahá asun wankláán ámu lakléi tsía. 13Tsúfé ɔhagyíɔha ání ɔbu nfi, pú isá akɔpúá butogyo owíe wóyí aná fée babí ání Kristo-búo su nda ikantɔ. 14Mí ikantodi su apíó tsɔtsɔtsɔ bapú ansí dínká aní Wíesu. Buhíé bude klɔn wa dá asun wankláán ámu ɔkan, ifú medé amú.

15Ibu mótá mí iwí olu pú mí iwí ahin sù aku bude Kristo iwí asún ámu ɔkan da. Táme amú aku é balé klɔntɔ bude mú bwe. 16Alí ahá ání budepu mí iwí ɔdwe dá asun wankláán ámu ɔkan. Tsúfé buyin ání Bulu lópu mí ba nfi ání mbéprí mu asún ámu nwun. 17Ahá ámú bumedé Kristo iwí asún ámu ɔkan da tsú amú klɔntɔ ámu mú á, amú nkɔle inya su bude mú bwe. Nda ikantɔ su budekléá béyintá mí iwí tsía.

18Táme umedé mí han, ní yilé sù bude mú bwe o, lalaha su o. Múá ide mí hián gyí, banyá bude Kristo asún ámu ɔkan da ní. Íni sù ansí ihíé de mí gyí ní. 19Tsúfé nyin ání mli mpáí pú Yesu Kristo ɔɔé ámu ɔbékpa mí, nédalí ikplán anfitɔ. 20Nhié nyin, mbu hógyi ání mmɔɔbwe tsá íbéha péli békutá mí. Mboún nétrá wa iwí ɔwɔnlín, méni ní lowu ígyi o, nkpa ígyi o, mí tsiátɔ fée íbówa Kristo numnyam. 21Tsúfé ní ntsie nkpa á, ntsie ha Kristo. Ní nowú é á, íbówa mli labi dun. 22Táme ní ntráa ntsie ɔyítɔ á, négyi gyuma ání íbówa labi há mí. Íni su mmowúun múá nléé. 23Nagyígyáa, táme íbu mli aléá néyetsiá Kristo wá mboún. Múbu alé dun. 24Táme mli su íbu aléá nétsiá nkpa. 25Nyin alí. Mú su nétsiá mli wá abóyɔ agyómá ámu, méni mlédan, nya ansigyí mli Kristo hógyi su. 26Múmú bréá neyínkí bá mli wá á, mlénya ɔkpa kánfú Kristo Yesu, ɔtɔ ámú alabwé há mí ámu su.

27Tá idehián séi gyí, mliha mli tsiátɔ ikana Kristo asun wankláán ámu. Múmú ní nebá mli wá ó, mmeba ó, nónu ání mlílí kínkíínkín íkɔlɔbwetɔ; mlídé hógyi amú íbu asun wankláán ámu é nwun prí. 28Mlumánya ahá ání bókusú líí mli su ifú ɔkpa ɔkɔkusú. Mli íklɔnwa íbówe osúna há amú ání Bulu onutó ɔbéhi amú fée, táme ɔbóhɔ mli mú

nkpa. ²⁹Tsúfé megyí Kristo hógyi nkule sù Bulu lópuhá mli. Mboún alá mlówun ipian há mu é. ³⁰Isá ámú mliówun ání ndeko ámu kén mliédékó á. Mú kéntó ntráa mbu ni.

Mlikasi Kristo Iwiasibá

2 ¹Mli Kristonyo mliabwé kule. Mú su alawá mli ateto-onlun. Mu odwe lalwíí mli klun. Mli mu Onyé ámu kulebwe su alahá mli mli aba mliabwé kule, mliédé ɔku tsu lé mli aba asóntó, mliédé aba nwe wúun. ²Mú su mliabwe kule, amlitsula dwe aba tsu mli kluntó. Mliabwe agywun kule, amliyó agyómá wa abatɔ puha mí ansigyí ifun. ³Mliábwe awunsípú. Mliátsu iwi. Mboún mliaba iwiasi, amlitsu mú ání mli aba budun mli. ⁴Mliádunká mli nkule klé. Mliadunka mli aba é klé. ⁵Mliha mli agywun ibwe fé Kristo Yesu klé.

⁶Íniá ɔlelian Bulu ɔkpagyíɔkpasu ó á,
ɔmɔbwe agywun ání obótsu mu iwi ání mba
Bulu bugyi kékée.

⁷Mboún olesi mu tógyító ɔmagyáa,
bwé mu iwi osúmpú.
Bokwí mu fé alá bokwí ɔhagyíɔha.

⁸Mu nyankpusabwetó á, ɔleba iwiasi.
Olobu ató alu wú *oyikpalíhesu,
fé lalahe ɔbwepú.

⁹Íni su Bulu lótsu mu fúá ya ɔsúsúsú,
há mu dá ání idun adá féé,

¹⁰méni ntobíá bubu ɔsú múa asi
pú ɔsulúv ayasi béda akpawunu há mu;

¹¹ɔhagyíɔha ɔbéle blí ání “Yesu Kristo gyí Owíe!”
pówá aní Sí Bulu numnyam.

Mliwanki Fé Ntsrakpabi

¹²Íni su apíó adwepú, alí ámú mliabwé mí bré ámú mbu mli wá ámu a, íniá mma mli wá ó á, mliabwé mbódí amlibwe mú alí. Mlipu ifú múa kpinkí yɔ mli nkpahó agyómá ámu mɔ ɔntó. ¹³Tsúfé Bulu onutó dé agyómá yɔ mliabwé. Alahá mliabwé mliédé mu apé múa tóá otekle bwe.

¹⁴Mlunátóí ntée gyi tógyítṣá mlóbwe iwí nwéen, ¹⁵méni ɔlala méetsiá mli iwí; mli iwí bétun, fé Bulu ahá bré ánfu mlitsie lakpan kugyíku abwepú ɔyí ánfutɔ. Mliwanki fé ntsrakpabi amú ansítṣ. ¹⁶Mliyo músú amlibla ahá asón ámúú utehá nkpa ámu, méni mli su nétalí pú ibi sí kántṣ ekeá aní Wíe Kristo ɔbélaba, ání mí mbódí ntée mí gyumagyihe mɔbwe kpaali.

¹⁷Táme ní ibéba mótṣ ání bópu mí obugya wúlí así fé ntá mli hógyi iwí afɔdié pú Bulu agyómá ání mlidéyɔsu kúráá á, ibówa mí ɔdwe. Ansí bégyi mía mliɔyó féé. ¹⁸Mú su iwá mli ɔdwe, ansí igyi aní féé.

Timoteo Mva Epafrodito

¹⁹Ní aní Wíe Yesu lótsulá á, umówa ɔpá nówa Timoteo mli wá. Ní oyínkí bebláa mi ání mlitsie wankláán á, ansí bégyi mi. ²⁰Mma ɔhá ání olotsu iku lé mli asóntṣ dun mu. ²¹Tsúfé atráhe amu féé bude amú onutó klé kí, megyí Yesu Kristo klé. ²²Táme mliyin alá Timoteo lagyi mu iwí adánsie wankláán. Alatsá mí aniladá *asun wankláán ámu ɔkan fé obí móa ɔsí. ²³Mú su nde ɔkpa kí ání ní nenyá wun tṣá ibéba misu nfi pé á, nówa mu mli wá. ²⁴Nahogyiá aní Wíe ɔbékpa mí, umówa ɔpá mí onutó néba mli wá.

²⁵Táme ɔbwe agywun ání nélayínkía Epafrodito sísí mli. Aní pío ání mía munyɔ anidé agyómá yo, anidéko asun wankláán ámu nwunsu. Mvgyí mli bí ání mlilówa mlíaa, ɔbá beki misu ní. ²⁶Tsúfé ɔde mliɔu kaín dubi. Lhíé de mu háan, tsúfé mlilónu mu ilɔ. ²⁷Lélé mú á, alaló sian wu, táme Bulu lówun mu nwe. Megyí mu nkule, mía munyɔ féé, méni awirehɔ mótṣdun mi kitá. ²⁸Mú su nhíé ndekléá nókɔsí wá mu mli wá, méni ní mléláwun mu a, ansí bégyi mli. Mí é mí asun susúhesu békalá kúká. ²⁹Mlihue pu ansigyí hɔ mu fé mli bá Okristoyin, amlipu obú ha mva ahá ání bugyi fé mu. ³⁰Tsúfé olesi mu nkpa há Kristo agyómá ámu. Olekle owu mótṣ bréá ɔlí mli dátṣ, mu nkule ɔde tógyítṣá teki ní mliɔu nfi mlóbwe há mí bwe.

Yesu Lówu Hɔ Anɩ Nkpa

3¹ Utráhe a, mí apíó, anɩ Wíe su mɩnya ansigyí. **1** mɔkókɔpɔn mɩ ání nétrá wanlín asun kua kule anfi sísí mɩ. Igyi asún ání íbékpa mɩ é. **2** Mɩkɩ aha laláhe anfi bugyi fé akíai anfi wankláán. Lalahe abwepú bugyi, bude ahá háan bæe butún *keté kpaali. **3** Tsúfé anɩ ahá ámúú anutɔpú *Ŋhe Wankíhé súm Bulu ámu gyí keté atínpu onutó ní. Mú su abétalí tsú iwɩ utó ámúú Kristo Yesu labwé há anɩ ámu su. Anitamapú ansí dínká tʒá nyankpɔsa lapú íbɩ bwésú. **4** Mí onutó óó mbu ɔkpa pú ansí dínká mú anású. Ní ɔku ɔbéé, mbu ɔkpa pú ansí dínká mósú á, mí mboún búu ɔkpa pú ansí dínká mósú dun. **5** Tsúfé bɔkwí mí, tun mɩ keté eke kwésí. Israelyin ngyi. Benyamin abusuantɔ notsú. Mú su *Hebriyin onutónutó ngyi. Mose mbla ámuvsu gyí ɔkpasu é á, Farisiyin ngyi. **6** Nehɩe wá nsi, dínká Kristo ɔpasua ámuvsu. Ngyi Mose mbla ámuvsu wankláán, ɔlala metsiá mí iwɩ. **7** Táme ntobí anfi bré ámu ntekíá íbu mɩ labi anfi féé á, Kristo su nde itráa megyí mí tɔtɔ. **8** Múá idun mú kóráá gyí, ní nɔpúki alá nɔpubí mí Wíe Kristo Yesu a, nawun ání íbu labi dun tógyít. Nawun ání nahúli ntobí anfi ntekíá íbu mɩ labi anfi féé, alá Kristo ɔbéda mɩ íbu su. **9** Íni su íniá mbu mu wá su á, megyí Mose mbla ámuvsu gyí ɔbéha négyi asu Bulu ansító. Kristosu hógyi mboún ɔbéha négyi asu Bulu ansító. **10** Mí agywun gyí, ndekléá nébɩ Kristo pú túmi ámúú Bulu lópukúsúa mu tsú afúlitɔ ámu tsía. Ndekléá nówun ipian fé alá Kristo lówwun ipian wú, **11** ménɩ ɔkpagyíɔkpasu á, mí é Bulu ɔbókúsúa mɩ tsú afúlitɔ!

Srí Búo Kristo

12 Mmedéblí mbée, mí íbu lada ntobí anfi féé ntée Bulu labwé mí nafun. Ntráa nde nsi wa alá íbɔbwe mí íbu béda tʒ ámu su ámúú Kristo Yesu íbu lada mɩ ámu. **13-14** Mí apíó, mmedéblí mbée, mí íbu lada mú. Nde mú ámúú idetsún amvsu táan. Múá ida mí ansító ɔkpa ngya. Mí ansí lapé, ménɩ nénya siadie ámúú Bulu ɔbótsun Kristo Yesusu tí

mí nójɔ mu wá ɔsúsú ámu. ¹⁵Ilehián ání aní ahá ámúb anuladan hógyitɔ ámu fée abóhɔ alí asún ánfí. Ní ɪku mójwankí mli á, Bulu ɔbójwankí mútɔ súná mli. ¹⁶Táme mliha akita ɔɔkwali amúb Bulu lasúná aní ámutɔ.

¹⁷Mí apíó, mlikasi mí tsiátɔ. Mlikasi atɔ tsu ahá ámúb bakási aní tsiátɔ ámu wá. ¹⁸Tsúfé ntetsía bla mli asún ánfí. Napú ntsú ntráa nde mli bláa mbée, ahá tsɔtsɔtsɔ tsiátɔ losuná ání Kristo oyikpalíhesu lowu ámu alupú bgyi. ¹⁹Ahá ánfí béhi. Amú apu gyí amú Bulu. Amú numnyam é gyí péli. ɔsulúsu atɔ ɪwí pé butosúsu. ²⁰Táme aní mú á, ɔsúsú gyí aní otsiákpá. ɔtíné ámúb anídé aní ɔhópu, ogyi aní Wíe Yesu Kristo ɔkpa kí ání obótsu ba amu. ²¹Mubúu túmi, otegyi tógyítɔsú. Mu ɔbéba betse aní ɔyulúw wuhé ánfí, bwé mú fé mu numnyam ɔyulúw amu.

4 ¹Íni su apíó adwepú, ntɔdwé mli. ɪdɪn mí ɔwólí ání nówun mli, tsúfé mli su ansí de mí gyí, nénya ɪpánda é! Mí adwepú, alí ilehián ání mlélí kínkín mli Kristo hógyitɔ ní.

Tsá Bubwée

²Nde mí apio tshé Euodia mua Sintike kokóli ání bunúu aba asi, tsúfé aní Wíe abúopu bgyi. ³Mí agyómáyɔbá onutó, nde fú é kókoli mbée, futú kpla amú abubwe kule. Tsúfé bawá nsi tsá mía Klement pú atráhe amu anuladá *asun wankláán ámu ɔkan. Bulu lawánlín amú adá wá nkpa ání itamatá atsiápú ɔwulútɔ.

⁴Mlihe nya ansigyí aní Wíe su brégyíbré! Ntráa nde mli bláa mbée, mlihe nya ansigyí!

⁵Mliha ɔhagyíɔha owun ání mlílólwií. Aní Wíe ɪbábu lafun. ⁶Tɔtɔ umáhan mli. Mboún kugyíkúá igyi á, mliɔ mpái kokoli Bulu dunka músú, amlida mu ɪpán. ⁷Méni Bulu ɔbéha mli iwilwii ání ɪdɪn blí, ɪbékpa mli klɔn pú mli agywun, mliha Kristo Yesu ɪkulébwetɔ.

⁸Utráhe a, mí apíó, mliɔ mli agywun dunka tsá igyi ɔɔkwali, tsá ɪbétí obú, tsá ɪda ɔkpa, tsá mú ɪwí letɪn, tsá itegyí ahá ansí pú tsá ahá békánfúsú. Mliagywun tsá ɪbu

alé, ahá butekanfó aná iwí. ⁹Mhlyo músú amlipu ntobí ánti nasúná mli ánti, múá mllónu tsú mí wá pú múa mllówun mi nɔbwe féé wa mli tsiátó, méní Bulu ámúó ɔtehá iwílwii amu ɔbékpa mli.

Ipánda

¹⁰Bulu lahá ansí ihíe de mí gyí, tsúfé mllatráa kaín mísú. Nawun ání mllumókúsí mí iwí gywíin, táme talí mllimétalí lé mú súná. ¹¹Mmedé asún ánti blí púsúná ání mbu ikplánto, tsúfé nakásí, nabí alíá tóá mbu ibófun mi, ní mbu óó, mma óó! ¹²Nasúan alíá nóputsiá ní mbu óó, mma óó. Nabí alíá tsiátó kugyíkɔtɔá mbu ibégyi mi ansí. Ní ntsie akún o, namwé o, mbu o, mma o. ¹³Ntetálí bwé tógyító, tsúfé Kristo tɔwá mí ɔwɔnlín.

¹⁴Mú alí óó á, ibu aléá mllatsú iku lé mí ikplán anfito. ¹⁵Mú ɔma a, Filipifo, mhlyin ání bréá nɔtsɔ mli Yesu Kristo iwí asun wankláán ámu bláa, nedali Makedonia ɔmátó á, mli ɔpasua ánti nkule dé mí buá, mli dé mí ató sisí ní. ¹⁶Bréá ntráa mbu Tesalonika wúluto kúráá, iwí lékplan mi á, mllétsiá sisí mí. ¹⁷Megyí bee nde tɔku kulí tsú mli wá. Mboún ndekléá mlinyá tɔku dinka awitole amúó mli déwa há mí ámusu. ¹⁸Mí ibi lada tógyítóá mllópuhá Epafrodito mli aa ɔpú ba mi. Itso kúráá dubi. Mú su nanyá tógyítóá ibéhián mi. Itó ánti mllabwé ánti igyi fé mllahá Bulu igyi ánti ibu ɔfan fánfáánfán, ulagyi mu ansí. ¹⁹Mí Bulu ɔbéha mli tógyítóá ide mli hián tsú mu numnyam ató tsɔtsɔtɔá ibu ania Kristo Yesunyo ikulebwetɔ. ²⁰Numnyam ibwée aní Sí Bulu klé bré féé. *Amen!

Uklá

²¹Nehá Bulu ahá ánti bgyi Kristo Yesu klé féé itsiá. Apíóá bubu mí wá nfi é behá mli itsiá. ²²Bulu ahá atráheá bubu mí wá nfi féé bude mli itsiá ha. Títriu amúá botsú Roma owíe dehen wóyító.

²³Aní Wíe Yesu Kristo ogyíi mli buale.